

Djetinjstvo imama Husejna Sejjidu-š-šuheda

<"xml encoding="UTF-8?">

Djetinjstvo imama Husejna Sejjidu-š-šuheda



Ebu Abdullah el-Husejn ibn Ali ibn ebi Talib je treći imam od časnih imama iz Ehli bejta, drugi unuk Allahovog Poslanika, poglavar mladića stanovnika Dženneta, mirisni cvijet Mustafin, jedan od pet članova obuhvaćenim ogrtačem i Sejjidu-š-šuheda, a majka mu je Fatima, kćerka Allahovog Poslanika.

Datum njegovog rođenja

Većina historičara naglašava da se rodio trećeg šabana, četvrte godine po hidžri u Medini. Neki drugi historičari su tvrdili da se rodio u trećoj godini po hidžri.

San Umm Ajmane

Poslanik, s.a.v.a., je rođenjem Husejna protumačio san Umm Ajmane – sanjala je da je komadić tijela Allahovog Poslanika pao u njenu kući zbog čega se ona bila jako uznemirila – i dodao je da će Husejn biti u njenoj kući na dojenju. Preneseno je da je imam Sadik, a.s., pričao: „Susjedi Umm Ajmane su došli do Poslanika, s.a.v.a., i rekli: ,O, Allahov Poslaniče, Umm Ajman sinoć od plača nije spavala. Neprestano je plakala do jutra.’ pa je Poslanik, s.a.v.a., poslao po nju. Kada je došla, Poslanik je upitao:

يَا أُمَّ أَيْمَنَ، لَا أَبْكِي اللَّهَ عَيْنَكَ، إِنَّ جِيرَانَكَ أَتَوْنِي وَ أَخْبَرُونِي أَنَّكَ لَمْ تَزَلِ اللَّيْلَ تَبْكِينَ أَجْمَعُ، فَلَا أَبْكِي اللَّهَ عَيْنَكَ، مَا

الَّذِي أَبْكَاكِ؟ قَالَتْ: يَا رَسُولَ اللَّهِ، رَأَيْتُ رُؤْيَا عَظِيمَةً شَدِيدَةً، فَلَمْ أَزَلْ أَبْكِي اللَّيْلَ أَجْمَعَ. فَقَالَ لَهَا رَسُولُ اللَّهِ، صَلَّى اللَّهُ عَلَيْهِ وَآلِهِ: فَقُصِّيهَا عَلَى رَسُولِ اللَّهِ، فَإِنَّ اللَّهَ وَرَسُولَهُ أَعْلَمُ. فَقَالَتْ: تَعْظُمُ عَلَيَّ أَنْ أَتَكَلَّمَ بِهَا. فَقَالَ لَهَا: إِنَّ الرُّؤْيَا لَيْسَتْ عَلَى مَا تَرَى، فَقُصِّيهَا عَلَى رَسُولِ اللَّهِ. قَالَتْ: رَأَيْتُ فِي لَيْلَتِي هَذِهِ كَأَنَّ بَعْضَ أَعْصَائِكَ مُلِقَى فِي بَيْتِي. فَقَالَ لَهَا رَسُولُ اللَّهِ، صَلَّى اللَّهُ عَلَيْهِ وَآلِهِ: نَامَتْ عَيْنُكَ، يَا أُمُّ أَيِّمَنَ، تَلِدُ فَاطِمَةَ الْحُسَيْنِ فَتُرَبِّيْنَهُ وَتَلْبِيْنَهُ فَيَكُونُ بَعْضُ أَعْصَائِي فِي بَيْتِكَ.

,O, Umm Ajman, neka Allah ne uplače tvoje oči, tvoji susjedi su me obavjestili da neprestano od sinoć plačeš. Neka Allah ne uplače tvoje oči, šta se desilo?’ i ona mu je odgovorila: ,Allahov Poslaniče, usnila sam velik i težak san, pa sam zato cijelu noć plakala.’ Rekao joj je: ,Ispričaj mi, jer doista Allah i Poslanik bolje znaju značenje’, a ona se ustručavala: ,Teško mi je to izgovoriti!’ Poslanik, s.a.v.a., ju je pokušao utješiti: ,Doista, san ne znači to što si usnila, ispričaj Allahovom Poslaniku’ pa mu je napokon ispričala: ,Sinoć sam sanjala da je dio tvoga tijela bačen u moju kuću.’ On joj na to rekao: ,Neka ti oči se smire, Umm Ajman, Fatima će roditi Husejna, pa ćeš ga ti dojiti i odgajati i tako će dio moga tijela biti u tvojoj kući.”

Blagoslovljeno novorođenče

Prvakinja žena, hazreti Fatima, rodila je svoje veličanstveno dijete i radosna vijest je došla do Poslanika. Požurio je do Alijeve i Fatimine kuće i rekao Esmi bint Umejsi:

يَا أَسْمَاءُ، هَلُمَّ ابْنِي

„O, Esma, donesi mi mog sina!“ Donijela ga je umotanog u bijelo platno i Poslanik se obradovao, privio ga sebi i proučio mu ezan na desno, a ikamet na lijevo uho. Zatim ga je stavio u naručje i zaplakao. Esma ga je upitala:

فِدَاكَ أَبِي وَ أُمِّي مِمَّ بُكَاءُكَ؟

„Neka su mi otac i majka žrtva za vas, zašto plačete?“, a Poslanik joj je odgovorio da plače zbog tog svog sina. Ona se začudila:

إِنَّهُ وَلَدَ السَّاعَةِ يَا رَسُولَ اللَّهِ؟

„On je tek rođen“, pa joj je Poslanik objasnio:

تَقْتُلُهُ الْفِتْنَةُ الْبَاغِيَّةُ مِنْ بَعْدِي، لَا أَنَا لَهُمُ اللَّهُ شَفَاعَتِي

„Esma, poslije mene ubit će ga nepravедna skupina, neka ih Allah udalji od mog šefaata...“
Zatim je Poslanik upitao Alija: „Kakvo si ime nadjenuo mom sinu?“, a Ali mu je odgovorio: „Ne bih da vas pretekнем u nadijevanju imena, Allahov Poslaniče.“ Tada je spuštena Objava Božijem miljeniku Muhammedu, noseći ime za novorođenče od Svevišnjeg Allaha. Nakon što je primio Božiju naredbu u vezi s imenom blagoslovljenog djeteta, obratio se Aliju: „Nadjenite mu ime Husejn.“

Sedmog dana po Husejnovom rođenju Poslanik je došao u Fatiminu kuću, zaklao ovna kao akiku za svog unuka Husejna, naredio da mu se ošiša kosa i da se udijeli sadaka od srebra u težini njegove kose te naredio da ga osunnete. Dakle, Poslanik je za svog unuka Husejna uradio isto što i za njegovog brata Hasana.

Poslanikova briga o Husejnu

Brojne su predaje prenesene od Poslanika u vezi s Husejnom, a sve one ukazuju na visok položaj koji je on imao u svijetu poslanice i ummeta. Ovdje ćemo navesti nekoliko primjera da bismo približili veličanstvo njegovog položaja.

Selman prenosi da je čuo kako Božiji Poslanik govori o Hasanu i Husejnu:

اللَّهُمَّ إِنِّي أُحِبُّهُمَا فَأَجِبَّهُمَا وَ أَجِبْ مَنْ يُحِبُّهُمَا

„Bože, doista ja volim njih dvojicu, pa voli ih i Ti i voli svakog ko voli njih dvojicu.“

مَنْ أَحَبَّ الْحَسَنَ وَ الْحُسَيْنَ أَحَبَّهُ اللَّهُ وَ مَنْ أَحَبَّهُ اللَّهُ أَدْخَلَهُ الْجَنَّةَ وَ مَنْ أَبْغَضَهُمَا أَبْغَضْتُهُ وَ مَنْ أَبْغَضْتُهُ أَبْغَضَهُ اللَّهُ وَ مَنْ أَبْغَضَهُ اللَّهُ أَدْخَلَهُ النَّارَ

„Ko voli Hasana i Husejna – ja njega volim, koga ja budem volio, volit će ga i Allah, a koga Allah voli, uvest će ga u Džennet. Ko njih dvojicu mrzi – ja mrzim njega, a koga ja budem mrzio – mrzit će ga i Allah, a koga Allah mrzi – ostavit će zauvijek ga u Vatri.“

إِنَّ ابْنِي هَذَيْنِ رِيحَانَتَايَ مِنَ الدُّنْيَا

„Doista su ova dva moja sina moji mirisni cvjetovi ovog svijeta.“

Od Ibn Mes'uda je preneseno da je pričao: „Poslanik, s.a.v.a., je bio na namazu kad su došli Hasan i Husejn i popeli se na njegova leđa. Poslanik je digao glavu i nježno ih spustio, ali kada

se vratio na sedždu, njih dvojica su mu se opet popela na leđa. I pored toga, kada je završio namaz, stavio je jednog na desno krilo, a drugog na lijevo, pa rekao:

مَنْ يُحِبُّنِي فَلْيُحِبِّ هَذَيْنِ

„Svako ko mene voli, neka voli i ovu dvojicu.“

Ibn Mesud prenosi i sljedeće hadise:

حُسَيْنٌ مِنِّي وَ أَنَا مِنْهُ أَحَبَّ اللَّهُ مَنْ أَحَبَّ حُسَيْنًا حُسَيْنٌ سِبْطٌ مِنَ الْأَسْبَاطِ

„Husejn je od mene i ja sam od Husejna, Allah voli onoga ko voli Husejna. Husejn je jedan od mojih unuka.“

الْحَسَنُ وَالْحُسَيْنُ خَيْرُ أَهْلِ الْأَرْضِ بَعْدَ أَبِيهِمَا وَأُمُّهُمَا أَفْضَلُ نِسَاءِ أَهْلِ الْأَرْضِ

„Hasan i Husejn su najbolji stanovnici Zemlje nakon mene i njihovog oca, a njihova majka je najbolja žena među ženama stanovnika Zemlje.“

الْحَسَنُ وَالْحُسَيْنُ سَيِّدَا شَبَابِ أَهْلِ الْجَنَّةِ

„Hasan i Husejn su poglavari mladića stanovnika Dženneta.“

Preneseno je od Burre bint Umejje el-Huza'i da je pričala: „Kada je Fatima zatrudnila s Hasanom, Poslanik, s.a.v.a., je krenuo na putovanje pa joj je rekao:

يَا فَاطِمَةُ إِنَّكَ سَتَلِدِينَ غُلَامًا قَدْ هَتَأَنِي بِهِ جَبْرَائِيلُ فَلَا تُرْضِعِيهِ حَتَّىٰ أَجِيَّ إِلَيْكَ

"Doista, rodit ćeš dječaka čije rođenje mi je čestitao Džebrail, pa nemoj ga dojiti dok se ja ne vratim."" Burre je nastavila: „Ušla sam kod Fatime kada je rodila Hasana i prošla su tri dana, a ona ga nije dojila, pa sam joj rekla: ‚Dozvoli da ga ja podojim.‘ Prvo je odbila, ali onda ju je osjećanje majčinstva prisililo te ga je podojila. Kada je došao Poslanik, s.a.v.a., i upitao je šta je uradila, ona je odgovorila: ‚Osjećanje majčinstva me primoralo da ga podojim‘, na što je on samo primijetio:

أَبَى اللَّهُ، عَزَّ وَ جَلَّ، إِلَّا مَا أَرَادَ

„Neće se ništa dogoditi osim ono što Svevišnji želi.“

Kada je Fatima zatrudnila s Husejnom, Poslanik, s.a.v.a., je također bio krenuo na putovanje i opet je rekao Fatimi:

يَا فَاطِمَةُ إِنَّكَ سَتَلِدِينَ غُلَامًا قَدْ هَنَأَنِي بِهِ جَبْرَائِيلُ فَلَا تُرْضِعِيهِ حَتَّى أَجِيءَ إِلَيْكَ وَ لَوْ أَقَمْتَ شَهْرًا

"Doista, rodit ćeš dječaka čije rođenje mi je čestitao Džebrail, pa nemoj ga dojiti dok se ja ne vratim, i ako potraje mjesec dana.' I zaista, kada je rodila Husejna, Fatima ga nije dojila sve dok nije došao Poslanik. Ponovo ju je upitao: 'Šta si činila?', ali ovaj put mu je mogla odgovoriti: 'Nisam ga dojila.' Onda ga je Poslanik uzeo i stavio svoj jezik u njegove usne i Husejn je počeo sisati, a Poslanik, s.a.v.a., mu je govorio:

إِيهًا، حُسَيْنُ، إِيهًا حُسَيْنُ

„Još, Husejne, još, Husejne“, pa rekao:

أَبَى اللَّهُ إِلَّا مَا يُرِيدُ، هِيَ فِيكَ وَ فِي وَلَدِكَ

„Neće se ništa dogoditi osim ono što Svevišnji želi, ono je u tebi i u tvojoj djeci“, a mislio je na imamet.“

„Poslanik, s.a.v.a., je bio sjedio, pa su došli Hasan i Husejn. Kada ih je vidio, ustao je i kako mu se bio oduljio njihov dolazak, krenuo prema njima pa ih stavio na ramena i rekao:

نِعْمَ الْمَطِيُّ مَطِيُّكُمَا وَ نِعْمَ الرَّكَبَانِ أَنْتُمَا وَ أَبُوكُمَا خَيْرٌ مِنْكُمَا

„Koliko li je dobra vaša jahalica i koliko li ste dobri jahači vas dvojica, a vaš otac je bolji od vas.“

Njegovo priime i nadimci

Njegov priime je Ebu Abdullah. Što se tiče njegovih nadimaka, to su: Er-Rešid, El-Vefij, Et-Tajjib, Es-Sejjid, Ez-Zekij, El-Mubarek, Et-Tabi' li merdatillah, Ed-Delil 'ala zatillah i Es-Sibt. Najpoznatiji od nadimaka je onaj kojim ga je njegov djed opisao u svom poznatom govoru o njemu i njegovom bratu:

إِنَّهُمَا سَيِّدَا شَبَابِ أَهْلِ الْجَنَّةِ

„Doista su njih dvojica poglavari mladića stanovnika Dženneta“, a također i Es-Sibt, zbog hadisa:

حُسَيْنٌ سِبْطٌ مِنَ الْأَسْبَاطِ

„Husejn je sibt od asbata“ (sibt znači unuk).